

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.9

Ng.7

Liggaeuq nyaemzyinz nienz ndwenbet cibngeih

Geizsoq: Gungh daih 3540 geiz

“Minzcuz Doxgiet Geizdangj Nding” Gwnzmuengx Cawjdaez Senhconz Youq Bwzswz Hainduj “民族团结党旗红”网络主题宣传在百色启动

9 nyied 2 hauh, “Minzcuz Doxgiet Geizdangj Nding” Gwnzmuengx Cawjdaez Senhconz youz Cunghyangh Cujcizbu Bangunghdingh, Cujciz Ngeih Giz caeuq Cunghyangh Vangj-sinban Vangjloz Cienzboq Giz doxgap guh haenx youq Bwzswz Si Hainduj. Gicej Yinzminzvangj, Sinhvazvangj, Yanghsivangj daengj 11 aen meizdij gwnzmuengx cungdenj, yaek conz sim haenx gij saeh gihcwnz dangjgen caeuq minzcuz doxgiet baenaj dieg minzcuz Gvangjsih, bae Bwzswz Si Cingsih Si, Nazboh Yen caeuq Cungzcoj Si Dasingh Yen, Bingzsiengz Si daengj dieg gihcwnz caijfangj diuyenz 4 ngoenz.

Baez gwnzmuengx cawjdaez senhconz neix, meizdij gicej yaek faen

baenz song aen cuj bae caijfangj, bae caijfangj dangjyenz ganbu maenhndei caeuq gyoengq vunz senhcin denj-hingz, caijfangj dieg yienghndei minzcuz doxgiet, aenmbanj minzcuz miz daegsaek, haenqrengz gangj ndei gij gojgaeq gihcwnz dangjucjiz caeuq dangjyenz ganbu hengzguh sawjmingh goeknduj, haenqrengz gangj ndei gij gojgaeq minzcuz doxgiet huzyouq, bien'gyaiq maenhndw onj-dingh, caemh sim hwnqguh aen loq-siengj Cungguek, lwnhgangj dujva minzcuz doxgiet Gvangjsih vihmaz baenzneix nding, dazyinx gak cuz dangjyenz ganbu ginzcung couqmaenh gij eiqsik caezcaemh Cunghvaz Minzcuz, dingjmaenh mbouj bienq riengz dangj byaij, vih Ngeihcib Daih

Dangj hai ndaej baenz cauh heiqaenb baklinx noengznwdnwd.

Dangguh aen dieg youqgaenj dieg minzcuz bien'gyaiq, dieg yienghndei minzcuz doxgiet baenaj daengx guek caeuq baihnanz guekcoj mwnhoengh onjdingh gyaeuvunz siusiq minzcuz daengx guek ceiq lai, geij bi neix daeuj, Gvangjsih giengiet gvancez doeksaed gij lwnhgangj youqgaenj mizgven hwng bien fouq minz, minzcuz doxgiet baenaj Siz Ginbingz cungjsuhgi caeuq baenzroix iugouz guh bae youqgaenj naeuz hong Gvangjsih, fatok giindei cujiz cuk-gaeuq bae, haenqrengz comzgyonj rengz cujiz, aeu dieg minzcuz bien'gyaiq hong dangjgen, dwkhingz duetgungz gunggeng caeuq saenqhwnz

lajmbanj, guenjhanh binghraq daengj hong doxcaez maeuzveh, doxcaez doinyoengx, laebdaeb dwk ndei mbat gienz gyaebhab “giengz gieq maenh bien”, yungh dangjgen caetliengh sang yinxlingx ginghci sevei dieg minzcuz bien'gyaiq hwngfat youh ndei youh vaiq.

Seizneix, daengx gih gak minzcuz ginghci hwngfat “doxbang”, dieg gvaq ndwenngoengz “doxsaeb”, cienzswnj vwnzva “doxyungz”, youq gwnz roen moq comz rengz caezhoz hwnqguh aen Gvangjsih gyaeunde sevei cuji miz daegsaek Cungguek seizdaih moq, lumj ngveihsigloux nei gaenjdaet caemhyouq, gij eiqsik caezcaemh Cunghvaz Minzcuz yied couq yied maenh. (Lingz Cungh)

Raetmoegnagax Iqet Hawj Vunzlai Baenzmiz 小木耳成群众致富大产业

9 nyied 1 hauh, youq Yungzanh Yen Cangzanh Cin Daboh Cunh, gyoengq vunzmbanj cingq sou raetmoegnagax. Seizneix cingq dwg raetmoegnagax baenz sou, aen cunh neix ndaem 50 fanh gaiq faex baenz raetmoegnagax haenx daengz seiz mbaet sou.

Geij bi neix daeuj, aen yienh neix youq mwh saenqhwnz lajmbanj, yungh ndei gij swhyenz dangdieg, gaenxmaenx son vunzlai ndaem raetmoegnagax, doenggyaq gij vunqsik “gunghswi + dieggoek + hozcozse + nungzhoh”, caezcaemh bang vunzmbanj gaijgez aen nanzdaez dinfwnz dajndaem caeuq siugai, hawj vunzlai laisou baenzmiz, bangrengz saenqhwnz lajmbanj.

(Cinz Ginghoz ingi)



Hocouh Si Bae Mbanj Siujsoq Minzcuz Cuengq Denyingj Vah Minzcuz 贺州市民族语电影热映少数民族村寨

Mboengqneix, aen ci cuengqingi coq doxgaiq rimrwrwd ndeu hai daengz Hocouh Si Cunghsanh Yen Liengzanh Yauzcuz Yangh Sahbingz Cunh. Aen ci ngamq haenx mbanj, gyoengq lwgnyez couh humx gvaq-daeuj, cungj cam haemhneix cuengq gijmaz denyingj. Boux beixnuengx Yauzcuz ngamq sou hong dauqranz, mwh dingqnyi banhaemh cuengq benq Vahyauz 《Cibbet Dungcunh》《Ndiepgyaez Mbouj Gangj》, angq-

yangz caeuq vunz ndaw mbanj naeuz: “Caezgya vaiq gwn caeuz, gwngak bae ra diegnaengh ndei yawj denyingj.”

Youq Mbanjyauz geqlaux neix guh aen hozdung cuengq denyingj “ciepcoux Ngeihcib Daih Dangj”, caenh'itbouh ciengqhwnz aen yaem-wenq daeuz, saenqhwnj gij heiqaenb gyoengq vunzlai, cauh gij heiqaenb ndei ciepcoux Ngeihcib Daih Dangj hai ndaej baenz. Sahbingz Cunh Diemj

Sonhag Cazbaizdouz Cau Gingnen lauxsae naeuz: “Baez cuengqingi neix miz daegsaek lai, dou cungj raen angqyangz. Neix dwg gou ciuhvunz baez daih'it youq bakdou ranz yawj denyingj Vahyauz.”

Ciuq cam rox, daj hozdung hainduj doxdaeuj, aen si neix gaenq cuengq denyingj 1541 ciengz, vunzlai yawj 77000 lai vunzbaez, doenggyaq hozdung hawj gak minzcuz vunzlai yawj rox denyingj vah minzcuz, bang-

rengz ginghci hwngfat caeuq saenq-hwnz lajmbanj, bangrengz laebdaeb guh cauhlaeb minzcuz doxgiet baenaj, couqmaenh gij eiqsik caezcaemh Cunghvaz Minzcuz, vih cauhlaeb aen si yienghndei minzcuz doxgiet baenaj daengx guek gyarengz, ciepcoux Ngeihcib Daih Dangj hai ndaej baenz.

(Loz Genhcungh Cau Ginh-binh)